


泰和縣志卷四十



吉安府泰和縣知縣高陽冉棠重輯

藝文志



詩

七言律

□快閣

黃庭堅

癡□了却公家事快閣東西倚晚晴落木千山天遠大

泰和縣志

卷四十

藝文 詩

一

澄江一道月分明朱絃已為佳人絕青眼聊因美酒橫

萬里□船弄長笛此心吾與白鷗盟

題槐安閣

并序

黃庭堅

東禪僧進文結小閣於寢室東養生之具□諸

左右而足彼雖聞中天之臺百常之觀蓋□慕

繆之心子為題曰槐安閣而賦詩夫據功名之

會以媵媵一世其與蟻邱亦有辨乎雖然□□

邱而仰泰山之崇崛猶未離乎俗觀也

曲閣深房古屋頭病僧枯几過春秋垣衣□□□□□

萬象縱橫不繫留
白蟻戰酣千里血
黃梁□熟百年休
功成事遂人間世
欲夢槐安向此遊

子範徼巡諸鄉捕
逐郡盜幾盡輒作
長句勞苦行

李

黃庭堅

白髮尉曹能挽弓
著鞭跨馬欲生風
乃兄本是文章伯
此老真成矍鑠翁
枹鼓諸村宵警報
牛羊幾處莫牢空
得公萬戶開門卧
看取三年最治功

出迎使客質明放
舩自瓦窑歸

黃庭堅

鼓吹喧江雨不開
丹楓落葉放舩回
風行水上如雲過

泰和縣志

卷四十

藝文 詩

二

地近嶺南無鴈來
樓閣人家捲簾幕
菰蒲鷗鳥樂灣洄
惜無陶謝揮斤手
詩句縱橫付酒盃

次韻元翁從王夔
玉借書

黃庭堅

為吏三年弄文墨
草萊心徑失耕鋤
常思天下無雙祖
得讀人間未見口
公子藏山真富有
小儒捫腹正空虛
何時管鑰入吾手
為理籤題撲蠹魚

吉老受秋租輒成
長句

黃庭堅

黃花事了綠叢霜
蟋蟀催寒夜夜床
受日捃收如盜至
失時鞭朴奈民瘡
田夫田婦肩頰檐
江北江南稼滌場

少忍飛□□□要令私廩上公倉

再次□和古老

黃庭堅

今日□□□自語□陰前日雪鋪床三冬一雨禾頭濕
百解幾痕□□□欲與翁歸作臘公方無事可開場
相□□生□成惡愧我偷閑飽太倉

□□□

黃庭堅

僧開小□籠沙界鬱鬱參天翠竹叢萬籟參差□明月
一家廖□共清風蒲團禪板無人付茶鼎薰爐與客□
萬水千山尋祖意歸來笑殺舊時翁

泰和縣志

卷四十

藝文 詩

三

次韻吉老寄君庸

黃庭堅

何郎生事四立壁心地高明百不憂白眼□來□既籍
碧雲吟罷對湯休諸公著力書交上尺壁深□債未酬
空使君如巢幕燕將鷓處處度春秋

觀王主簿家醪醑

黃庭堅

肌膚冰雪薰沉水百草千花莫比芳露濕何郎試湯餅
日烘荀令炷爐香風流徹骨成春酒夢寐宜人入枕□
□與能詩王主簿瑤臺影裏據胡床

聞□政胡朝請多藏書以詩借書目

□□□□□

黃庭堅

萬事不理問伯始藉甚聲名南郡胡遠孫白頭坐郎省
乞身歸來猶好書手抄萬卷未擱筆心醉六經還荷鉏
願公借我藏書目時送一鷗開鑊魚

羅仙觀

葛敏修

羅仙一去二百載馬跡飛橋今尚存鶴馭不為□氏嶺
桃花空出武陵源千年光景馳駒隙三汲波濤透禹門
欲見此翁論此事夜深無夢入莊魂

爽軒

方師尹

泰和縣志

卷四十

藝文詩

四

鶴嶺重登不作難自緣蘿月喜同扳勝遊不減謝安石
佳士况逢元魯山眼底更無塵事擾窻開又得許時閒
丁仙已有歸來約他日尋盟共往還

登快閣

文天祥

書生曾擁碧油幢耻與群兒共樹降漢節幾回登快閣
楚囚今度過澄江丹心不改君臣義清泪難忘父母邦
惟恐鄉人知我瘦下帷絕粒坐蓬窻

觀山

趙汝暮

竭來快閣慰吾意更說觀山傳舊年不憚□輿穿草棘

只知野叟足林泉半空嵐影排簷外一徑□颺過酒□
料得涪山為拈出當時千尺不應然

登快閣黃明府強使和山谷先生韻

鄧林

未登快閣心先快紅日半簷秋雨晴宇宙無邊萬山立
雲烟不動八牕明飛來一鶴天相近過盡千帆江自橫
借問金華老仙伯幾人無忝入詩盟

贈泰和曾機宜

徐鹿卿

故家名姓塞乾坤曾上歐蘇涑水門似此高風寧幾箇

泰和縣志

卷四十

藝文詩

五

至今流澤到諸孫譚詩江上風烟圃訪我梅邊竹石村
尚有典型堪世守會看溟海化鵬鷗

登快閣

劉鶚

一登快閣情何極太史騎鯨已上天烟樹溟濛秋可画
江山空濶客如仙半生不識東南路浪跡深慚下上船
四海故人□聚會忽驚歌舞落尊前

次山谷先生韻

劉敏求

蘭臺應典閣齊名幾日陰濃雨乍晴雲水光中天不夜
塵埃境外月偏明屏開別岼三峰秀川映□闌一練橫

釣嶼筆床嘗有約定求烟艇不寒盟

題浪川洞

劉崧

□洞深連三十里兩崕高聳百千峰溪流交路爭穿□
日色歸林半隱松野碓春泉秋雨急土窑凍石晚烟濃
雲深不計千畝路月落時聞資福鐘

題李老謙書舍

劉崧

温家亭子三江口坐對東風兔子寮錦石白沙寒歷歷
碧雲紅樹晚蕭蕭簾虛易覺天光幻衣潤常疑霧氣飄
賴有石門支遁在題詩長日出溪橋

泰和縣志

卷四十

藝文 詩

六

入城

劉崧

江水依然抱石磯獨行空感舊游非晚山當戶日初落
秋草滿城人未歸田鼠引羣穿井出山雞求食傍簷飛
向來車馬東門路忽憶朋游淚滿衣

客情

劉崧

清明已過寒雨稀客情物色共依微庭前幽草忽如積
江上落花渾欲飛風雲慘澹隨長戟塵土蕭條上短衣
雲亭江上麥田熟昨夜月明還夢歸

花園

□崧

日日西園載酒來好花時挾洞門開水涵□霧空青□
山□晴雲紫翠堆林徑微風看燕度石橋細雨聽鶯回
酌歌却望雙峰近落月松聲萬壑哀
竹裏雛鶯盡日啼水風涼動小池西麝香眠起殘花落
蝴蝶飛來碧草齊二水風鳴湘佩合三山雲壓楚鬟低
冰盤薦客清陰裏次第詩成石上題
小小軒窓溪水頭石門古路轉斜邱野林丹碧風初起
山橘青黃露未收鳥下平原飛雨夕猿啼孤嶂斷雲秋
讀書臺近招提境思見當年隱者流

泰和縣志

卷四十

藝文 詩

七

露下庭臯錦樹殘霜融溪路白沙乾浮雲萬壑天光暝
流水孤村暮色寒有客求魚朝擁棹何人載酒夜停鞍
風流最好梁園賦擬向山中對雪看

秋日承廬陵曲山蕭壽春過林居臨別賦贈

劉 崧

秋露滿園葉葉飛遠煩江上問柴扉青山古道獨行晚
白髮故人相見稀細雨高原禾黍熟斜陽踈樹橘橙肥
殘年甚欲留君住何事驪駒只賦歸

武山

劉 崧

武山千丈石為城縹緗西來紫氣橫上砦雲連中砦□
南巖鐘應北巖鳴林含雨氣龍歸洞風度松聲鶴載□
仙客不歸塵世換為君倚劍望蓬瀛

金華山

劉崧

高秋佳節九日九我輩登臨山上山晚日滄江千里落
西昌白雁幾時還挂衣蘿薜枝枝弱照席茱萸顆顆斑
垂老極知筋力在明年此會更躋攀

遊觀山

王佑

高城北岼石塘西千丈青山佛屋齊龍峽橫開蒼玉潤
泰和縣志

卷四十 藝文 詩 八

蛙泉深注白雲低晚燿鐘動簷間出細雨詩成竹上題
見說溪邊古松樹春深長是鶴來棲

武山

蕭執

武山竒勝在東南公子尋芳樂且耽攜酒不勞泉作釀
插花旋用竹為籃雲中奏樂天風動石上題詩夜月酣
况有風流前輩在便移星斗照清談

前題

王沂

路轉顛崕虎鼻峰上方日晏始聞鐘晴嵐密護岩西竹
香霧輕浮澗底松山果欲周還共采林僧人□□□逢

玩竒行遍燒丹處拾得仙人九節筇

武山

劉霖

一山高聳鬱□峩勝日尋幽得共過百里長江橫翠帶
幾重秀嶺疊青螺陶皮石室寒煙少武姥經壇古樹多
步得乘風據鰲頂笑看朝日出滄波

快閣

蕭岐

幾度乘閒登快閣摩挲老眼看陰晴西昌詩派今誰在
南極文星徹夜明往事已隨流水去白雲長共遠山橫
魚龍寂寞秋江冷吾道何人執耳盟

泰和縣志

卷四十

藝文詩

九

登武山

陳謨

丹□高處是青山曳杖無因一破顏仙境不藏雲有路
天遊長阻虎當關懸嵯果熟猿公嘯深洞花開武姆閒
寄語王公須再約頑夫老矣更能頑

石牛潭

陳禮

碧潭深處石牛眠啼首低昂兩角全畎畝不耕空絡鼻
魚龍相伴□潛□□二造化非人力物類生成出自□
丙吉若逢難問喘牧童笑指不能鞭

靜修齋

金幼孜

快閣西頭有隱居過簷槐柳共扶疎家饒□壤尊多酒
厨近澄江饌有魚靜志不求三釜祿閉門長檢一床書
市塵車馬從轆轤止水芳心祇自如

秀溪書院

劉江

一溪流水遶幽居萬卷遺書富貯儲清白傳家無長物
義方教子是良圖雞窓夜永留螢火芸室春香辟蠹魚
繼述由來當努力明時接武步亨衢

遊武山次韻

梁蘭

武姆樓閣山之巔數家茅屋依山前棲巖白雲晴冉冉

泰和縣志

卷四十

藝文詩

十

繞林碧篠寒娟娟仙子索詩請題壁樵叟煮茶呼飲泉
憑高騁懷極幽賞使君佳句令人傳

寄劉子彥

梁蘭

北闕前年一上書歸來高卧楚郊墟西風短褐雙蓬鬢
落日空山一草廬道直不殊梁太傅賦成端擬漢相如
別來又是春三月盡日逢人問起居

寄劉珪

梁蘭

春日已多夏日臨勅轉晝啼苦竹深野棠雨餘新水綠
石壁樹杪浮雲陰安知天地有終極不覺歲月還相侵

□□劉郎何可見徒使連廻勞寸心

病中得長兒潛書至自北京喜而賦此因便書示

潛 二首

梁 蘭

蕭然卧病室南隅賴有諸孫問起居原自閭閻踪跡少

□於□舊談笑□餘年止飲瓢應棄近日粗安藥未除

□事老懷能慰藉扣門人送北京書

書來萬里報平安抱病胸懷取次寬首報遠夷俱入貢

中期老父倍加餐新分馬乳偏能飲舊賜貂裘不怕寒

兼說冷官多述作賦成早晚寄來看

泰和縣志

卷四十

藝文 詩

十一

和梁先生病中示子詩

有序

鄒 緝

西昌畦樂先生梁君不移隐居田里養高樂道

日以詩酒自娛其詩冲澹閑雅常有自得之□

予每得而愛之去年秋其子翰林修撰兼春坊

贊善用之與予同赴召來北京先生既念其去

之益遠而不能忘於懷也因形諸歌詠賦詩二

首且書以寄示用之用之以先生之不忘于懷

而欲□以慰先生之思也俾子使屬和子以先

生父子相念之意得天倫之真而其間文辭□

術之懿又非他人所能及足為人所羨□□□
不揆辭之鄙輒僭和於後庶幾先生得而讀□
知其子之思念其親者亦不異於先生云

燕臺南望楚天隅清絕先生好隱居歲晚獨嗟諸子遠
老來偏念故交踈郊原養息身無累藥物扶持病想除
偶向賢郎問鄉信喜言近口有安書

詩律年來擬建安雅懷應羨獨能寬甕頭秫酒從朝醉
籬下秋英每夕餐迢遞江南燿月晚蒼茫薊北暮雲寒
雖知卧病依田里猶有新詩寄遠看

泰和縣志

卷四十

藝文 詩

十二

前題

王 英

陰陰榆柳滿城隅官舍清幽似隱居深巷烏啼春過盡
閑庭草長客來踈思親遙望孤雲度扈蹕俄驚一歲除
昨夜燈光頻報喜朝來已得萬金書

親闈書報病初安扶杖觀花意自寬只買山田閒種秫
因貪棋局更忘餐庭中客散春烟暝谷口雲歸暮雨寒
猶有江湖千里念新詩傳到土堂看

前題

李時勉

綠楊三徑傍溪隅溪上連山對隱居病後□詩隨興得

老來華髮逐年疎，鳴琴窗外花初落。行樂□前草不除，
令子自傷離別久。逢人多有寄回書。

乍聞久病近來安，旅邸愁懷覺自寬。鷗鳥晝閑隨遠興，
鱸魚秋美入嘉餐。江南芳草生殘雨，薊北歸鴻帶薄寒。
祇想青山江上路，夕陽移杖獨行看。

永思堂

尹昌隆

堂上雙親痛久違，音容無復見當時。百年未遂生前養，
千古難忘沒後思。霜月海天華表鶴，夜窓燈火蓼莪詩。
水流到海有時竭，此恨綿綿無絕期。

泰和縣志

卷四十

藝文 詩

十三

題蕭氏臨清軒

尹昌隆

重構新亭繼往賢，朱甍仍瞰綠池邊。臨堦倒浸天心月，
遶檻潛通谷口泉。山色雨餘侵玉笋，波光晝靜映青編。
今朝試倚闌干立，佳致依然似昔年。

題梅岡王氏竹所

尹昌隆

幽居種竹久成林，三逕梅香晚色深。千畝月明看鶴舞，
萬竿秋老聽龍吟。蕭森繞舍清霄響，蒼翠當軒白日陰。
說盡子猷多逸興，想應林下有知音。

臨刑血詩

□昌隆

□今四十九年春豈料奸權害凡□□□□為□□□
□意空作讀書人妻兒那忍□□□□忘骨四□
□□家庭諸長者吾今有屈屈□伸

憶梅岡

□□

一亭修竹似山陰幾度來看風□□□繞□□□潤□
窻含翠島暖雲深何時問訊春風後更共看□夕景□
□□錢郎幽思好石苔涼淨共清吟

東彭叔介

梁混

□□孝友聞閭里困辱誅求已半生揮筆自憐鶩可□

泰和縣志

卷四十

藝文詩

十四

□□長作鳳來鳴池邊亭館邀人坐郭外桑麻仰子耕
祇為家貧親獨老不將文采謁承明

謁忠節祠

□學夔

古今人物盛廬陵六七宗風是典型赫赫忠貞垂竹帛
雍雍劍佩炳丹青力扶名教中流柱望聳斯文北斗星
謏薄素心常仰止瓣香清酌拜祠庭

和楊少府登快閣用山谷韻

余學夔

長嘯城頭天宇平碧山濃處看新晴過客帆檣煙霧重
□人鷗鷺畫圖明浪花細逐金魚起沙張□添玉帶橫

□□分□歸少府千年太史有詩盟

中秋夜宴明倫堂前榕樹下

余學夔

舉杯待月月苦遲金天一碧寒玻璃雲升復隱榕陰外
風送俄經泮水西丹桂子成金榜動紫微人醉玉繩低
鷗鵬萬里非難事安用人間八駿蹄

車田禾黍

牛牧八景之一

楊士奇

聞道車田隱處長一犁煙雨趁春忙
遶疇翻浪條條綠
遍隴拖雲淡淡黃
水暖偏侵禾葉活
風清時遞稻花香
太平無事歌謠處
釀就醪酥送客嘗

泰和縣志

卷四十

藝文詩

十五

泰和山八景

王直

岩巖太嶽最高峰
屹若擎天一柱雄
氣接金莖分夕露
勢同玉笋插晴空
危峰半出星辰上
絕頂孤撐霧靄中
不用鸞輪周八極
憑虛一覽思無窮

天柱
凌雲

玉虛樓觀隱仙靈
四面峰巒擁畫屏
松逕晚陰山霧黑
芝田春暖野燻青
瑤臺鶴去風聲遠
石洞龍歸雨氣腥
遙想雲車來徃處
碧霄涼冷夜冥冥

玉虛
環翠

五龍宮闕鎮天秋
徃日龍君此處遊
曾捧祥雲通北極
還為甘雨沃西疇
蜿蜒尚想隨鸞馭
慘淡猶疑結□□

神物化時何處問滿山涼葉亂吟秋披霧

派出仙源澈底清褰裳九渡聽波聲紫巖乍覺跳珠亂

濺石長疑碎玉鳴鴨綠微茫通漢沔虹流滉漾接蓬瀛

幾迴欲逐漁舟去恐有胡麻泛水輕鳴九渡泉

南巘屹立勢崢嶸萬仞凌空玉削成翠碧潤含蒼蘚合

畫屏晴落白雲輕飛來鴻鵠應難過欲度猿猱謾自驚

料得真仙時到此月明碧落有歌聲峭壁巘

紫霄宮闕枕危巒露溼芙蓉黛色寒萬壑浮嵐通竅靄

半空峭壁聳巒岼雲霞多向中峰出星斗疑從下界看

泰和縣志 卷四十 藝文 詩 十六

定有飛仙凌絕頂洞蕭□裏夜乘鸞紫霄巒

青陽振蟄暖初回殷殷遙聞洞裏雷霹靂自知隨候應

砰訇長是被春催推車暗覺驅雲去振鼓旋驚挾雨來

欲訪靈湫何處覓幾回不敢傍巘隈雷洞發春

縹緲瑤臺絕點塵憑高霽色望中新扶桑影動千峰曙

瑤草香生幾洞春松露滴殘驚鶴夢海霞飛散見烏輪

懸知夜禮星辰後長聽金雞又報晨瓊臺霽曉

快閣登眺

王直

江山冥冥風浪生閣中清眺會儒英野舟冒險只自度

江鳥避人時一鳴四海登臨吾白髮萬山迴合此孤城
□□轉切憂時念日暮浮雲况北征

快閣近體二首

徐彥齊

公餘乘興登高閣徙倚闌干俯碧流畫棟春風巢海燕
澄江晴日浴沙鷗壁間詩句蒼苔護簷外巒岡紫翠浮
今古紛紛軒冕客往來曾似少年遊
千尺飛甍近碧虛丹青零落百年餘龜龍已剥郎官字
金石猶存太史書湛湛波光含寶鑑遥遥山色展新圖
登臨懷古增吟望撫景題詩愧不如

泰和縣志

卷四十

藝文 詩

十七

右宋丞相文信國公以祥興間繇潮州被執往北廷
舟過西昌宿快閣下賦詩而去經百年而不得刻者
蓋□典□洪武十四年郡通守徐公彥齊行邑至凭
高眺遠慨然有感于今昔之故遂賦唐律二章邑大
尹時侯習邑丞王侯士真判簿邢侯良礪石□工刻
信公之詩於上而以徐公之詩刻於下方於是斯閣
斯題與黃太史之詩曠千載而不廢矣廖謙掌邑文
學謹拜手而識其歲月云

楊侯新先太史祠登閣致感

黃澤

雙井派分魚壩遠先生祠址跨東陽沙門幾劫公仍□
石□重刊我宿藏百世詩壇懸藻鑑一篇家誠凜秋霜
襟裾牛馬慚餘裔敬仰遺風借隙光

快閣感懷二首

陳昌積

快閣東林黃葉稀蘋洲蓼渚更霏微穿波細細漁舟見
拂水深深澤鳥飛搖落豈堪悲宋玉飄零翻自吊劉幾
出門陳跡俱長嘆霸壘越臺今是非

□淨雙湖菡萏幽卜居性僻愛林邱長憑藥裹供多病
禾信雲霄數散愁片石落風開竹澗叢林拖雨泣楓楸

泰和縣志

卷四十

藝文 詩

十八

□人厚祿書全少惆悵重登王粲樓

除夕示魁子

劉 啟

臣底蕭然歲又除天倫良會足歡娛新春且遂趨庭願
□歲還聽遶殿臚勲業豈能追二謝文章直欲效三蘇
區區溫飽何須計清白傳家是遠圖

登武山

劉 啟

肩輿欸欸度南巘泉竇雲峰次第探弔古尋幽誰獨擅
長趨澗步我還堪丹青從此非難到元教于今且莫談
表風光歸一覽滿天秋色動冷酣

禮斗臺

劉 啟

薄暮徐登禮斗臺飄飄仙袂掃莓苔誰攀一柄斟元氣
尚望群英掇大魁燦爛祥光三島近氤氳瑞氣九天來
微臣再拜無他祝願獻吾皇萬壽杯

試劍石

劉 啟

玉華一道接金華武姥重遊興尚賒試劍猶存山頂石
尋真休問鼎中砂五星森列天應近八面週遭景自佳
礪磅鍾靈千載盛多生賢俊佐皇家

武山義塾文會學文既別用黃禮韻送之

泰和縣志

卷四十

藝文 詩

十九

蕭 執

白竹巘東武姥西茅堂結構與雲齊當春化雨沾民物
昨夜文星耀璧奎豈有詞章為世好敢將名姓待君題
諸生不盡攀援意楊柳河橋望欲迷

徐泰和禱雨有應時請龍於武山三顧二潭

蕭 執

泉阿出匣斬群妖雨勢隨龍旱勢銷魚尾化時歸佛□
馬蹄停處倒山瓢丹心夜走三天檄赤地春回六月□
從此京師蒙福早未應百里駐侯□

鷗閣

陳 循

縣城南面開高閣正俯清江對翠微名勝尚憐如往日
登臨常想到斜暉閣中諸老仍何在水上羣鷗只自飛
茅屋龍洲終遜此何年重許邛林扉

東軒

陳 循

半畝溪山舊卜居往來塵跡自應踈春風門卷花開後
曉閣軒窓日上初頻理琴尊留上客閒攜燈火讀遺書
時平隱逸皆徵用丹詔行看下玉除

重經快閣

夏 寅

泰和縣志

卷四十

藝文 詩

二十

白璧奎章映兩賢澄江明月故依然詩懷德祐成孤憤
書到元豐已大妍漢道正當全盛日楚氛都過戰爭年
詞源欲問西江派長句新留快閣鐫

農耕

蕭雲龍

門徑東南遶綠疇步看農業日精修鶯花滿眼犁鉏亂
簑笠隨身雨露稠玉兔升天牛未倦木龍開鎖粟方收
男兒肯效耕莘志三顧寧無到隴頭

前王疑塚

在南岡相傳
錢宣惠王墳

蕭端己

何代官家列塚多瀕江十里幾陂陀圖經已紀金雞讖

□□猶傳玉燕窠輦路年深埋草徑寢園址廢失蓬□
□吳尚有遺孫在不棄松楸守澗阿

見婦女插秧

楊 種

旋拋金剪出蘭房皂絹籠頭鶴野裝語逐林鶯清入調
笑分秧馬翠成行燕泥踏破金邁濕蚓竅穿來玉笋忙
處處農桑兒女苦青樓不信好風光

甘溪書屋

曹 鼎

甘溪一曲抱□流結屋臨流面面幽詩禮已為諸子訓
園林還約故人遊門前鷗鷺閒來往山外煙雲任去留

泰和縣志

卷四十

藝文 詩

二十一

共說多君能□志源源世澤足詒謀

送曾時升還鄉

曹 鼎

四朝元老寵恩多一疏辭榮鬢未皤獨向明時添故事
更尋閒地養天和長空孤鶴橫滄海活水群鷗戲綠莎
夾岍柳絲春正好片帆晴日度沙河

遊山

尹 直

層嵯深鎖薜蘿煙雲液泠泠一脉泉深竅直疑通□□
雲湫長是伏蜿蜒天光倒浸苔衣冷月影清涵石□□
豈獨汲甘歸茗鼎仍分餘□既秋田

東綿洞

尹直

路入鶯峰驚石險望窮虎垵覺天隅東西還列千餘嶂
南北平分兩半都樹隱朝燿迷白屋田涵冬水浴青鳧
怪來石澗桃花膩不信桃源景致殊

挹清樓

尹直

高楼宏廠挹深清乘興閒登稱雨晴秋染晴江天際碧
霜酣紅樹口邊明飛鴻陣拂風燿迥歸棹帆投野渡橫
三顧三華清不改老懷猶恐歲寒盟

武山

尹直

泰和縣志

卷四十

藝文詩

二十二

曉出城西更向西雨晴沙軟快輪蹄心竒野趣清如洗
目極山光迥欲迷夾道黃花含露秀經霜紅橘壓枝低
謾題詩句留山洞可似飛鴻印雪泥

和

劉節

山行東折復還西一路山花襯馬蹄禮斗臺空蒼蘚合
望陽石古白雲迷岩前泉瀑真殊洒天外峰巒紫翠低
會見天書召元老再尋舊隱隔雲泥

和

廖森

乘興攀躋武姥西白雲深處見霜蹄雨過石磴莓苔合

□□山樓草樹迷
漱玉泉聲依澗轉
插天峰勢向人□
偶來佳處聆佳句
一洗塵胸萬斛泥

愛蓮亭

劉鴻

清水池塘蓮正開
曉風涼雨濕漑漑
千機雲錦鋪寒練
萬柄瑯玕捧露杯
魚鳥狎人忘去住
水雲留客靜徘徊
追遊恐費郎官俸
只合商量載酒來

宣梵院

李穆

登科巷北隱叢林
此日重遊感慨深
同學故人多顯達
舊時老衲盡銷沉
僧田半入豺狼口
佛法難回犬彘心
泰和縣志
卷四十
藝文
詩
二十三
惟有殿前雙□樹
歲寒相守到如今

登快閣

李穆

與客攜壺上挹清
湘簾高捲賞春晴
世無劉表容王粲
詩服元暉號永明
地迥不聞人笑語
天寬贏得眼縱橫
明辰有約還來此
珍重吾曹莫背盟

寄懷

歐陽鐸

韓公一去近千秋
海水無心日夜流
文字異時勞夢寐
風聲今日□□□
功□□□□□□
□□不□□□□□
山□

進武山

吳必顯

宿雨初收曉日晴名公樂逐武山行
憑凌霄漢胸襟豁指點川源眼界明
杖履香山來九老衣冠洛社會群英
無邊佳境歸題品增重茲山萬古名

題鳳洲草堂效吳骸

桑悅

江水四面圍高邱草堂結在邱山頭
頻經春雨打不漏苦奈秋風吹木休
枕邊驚聞櫓聲過檻外俯看雲影浮
我約吳郎來借住并吞沙草占溪鷗

次韻寄一弟并自述

羅欽順

泰和縣志

卷四十

藝文詩

二十四

奉親堂上是安居春酒杯長日自舒已
向園林成獨樂不知廊廟富新除
讀殘帝典孤燈在叅透禪機萬象虛
藥籠祇今多國老閒身聊寄老翁壺

次徐太守登快閣韻二首

羅欽順

飛樓獨立俯重闈高興凌雲得句新
江氣半侵巖岫曉菜花微漏圃田春
暫延故老還諷俗遙望窮簷總切身
分合趨陪慚蹇劣杳如南北海之濱

戶牖憑虛次第開喜看春色上蒿萊
香凝便坐遙山合風動高旌過鳥猜
詠物思深渾脫西懷賢心苦重徘徊

寧知父老瞻依切願倒雙江作壽杯

謁初祖主簿府君墓太元觀主蕭雲漢候于□□

過觀中少憩而歸

羅欽順

雙壠亭亭四百秋

府君嗣子附葬其側

總知龜卜契人謀山形盡

向龍門合王氣長依宰樹浮蘋藻薦誠趨後裔詩書垂

□仰先猷獨憐宦轍馳驅久今日重來已白頭

山勢遙瞻百丈雄佳城盤處却冲融清溪世遠碑相□

白屋人淳姓偶同

府君墓右前去十數武右清溪楊氏□□文真公立石表焉山下□□十

工數家為攻木之皆

藏劍有光應射斗出雲何意也從龍諸

泰和縣志

卷四十

藝文詩

二十五

孫滿眼來遊數若報當年種德功

髯翁疑足地行仙手把熏爐導我前溪上路窮琳館出

屋頭山合錦屏連古碑有字渾能辨

殿中有碑題云牛僧孺撰

鴻寶

非人可浪傳追省舊遊還一笑苦寒曾訝洒無權

廿年前送

司空張公之壟寒甚殆不可支歸途畧憇於此座客皆相先引滿累觴而散

己丑元宵西野弟見遺閩燈一架約同賞而未果

今年節屆兒輩出而張之固請一觀因奉卮酒

為壽余感念存歿俛仰惻然竟不能成歡而罷

爰賦二律以識余悲

羅欽順

漫說良霄抵萬金
閩燈高照画堂深
精窮物相誇能事
細□秋毫覺苦心
五彩時宜紅燭暎
雙眸剛免黑花侵
早期對賞人何在
卮酒停來痛不禁

魂遊今夕定何鄉
忍對華燈獨舉觴
壁上龍蛇神未死

□□帖多西
乎書

座間風雨夜偏長
寒林漫託孤棲翼
古匣深蟠百鍊鋼
平日讀書渾恨少
五車剛費一抔藏

楊文貞祠

歐陽雲

蓋代勲名在鳳池
撝謙常似布衣時
魏公白日青天鑒
司馬兒童走卒知
多士盡憑金作範
九重安用卜稽疑

泰和縣志

卷四十

藝文 詩

二十六

文山寂寞文忠遠
俎豆非公更屬誰

李母貞節卷

郭應奎

好看旌命移鄉里
母德真堪世教扶
不謂新歡成永恨
敢期後死託遺孤
忍心多少人魑魅
卓行分明女丈夫
二十年來天道顯
鳳雛今已入岡梧

曾忠愍公祠成同諸君拜奠

郭應奎

忠愍祠成典禮崇
千年桑梓樹英風
世情總是霜前媚
臣節誰因地下從
濱水淒涼魂未化
沂川題咏澤何窮
□看接武多名裔
俎豆還增席几重

過澄江

王 □

一道澄江赴海東歸程到此□家中漲平不避鷄冠石
雲霄□瞻虎鼻峰啟却重門看五桂掃開三徑拾孤松
竹囊攬盡江湖景付與兒孫佐酒饗

清節書院

陳 鶴

道學淵源重斗南門人雲集擬柴關一生苦節林泉下
千載清風天地間春色入簾庭草翠綠陰滿砌石苔斑
鬢宮况復昭□像景仰令人起汗顏

癸卯元旦獄中二首之一

劉 魁

泰和縣志

卷四十

藝文 詩

二十七

去年此日綴□班稽首相呼仰聖顏禮樂文章三代上
樓臺殿閣五雲間一人有慶乾坤泰四海無虞虎豹閒
今日纍臣□繫處鐵門空望汨潛潛

舟至螺川聞復遣校追回卽星馳就繫寄兒姪輩

劉 魁

廿載君恩天地大百年身世羽毛輕孤臣底事勞明主
萬里何心保此生老眼不揮兒女泪丈夫自有別離□
丁寧囑咐無他語莫負廬陵忠義名

雨後望匡山

胡 □

雨歇牧煙郊外明紫瑤嶺畔暮光晴材園霧鎖紅桃色
巖谷風降黃鳥聲晝靄仙踪迷遠岫依稀雲影繞山城
何當攜手凌穹絕第一峰頭朗嘯吟

溪山精舍

蕭元岡

草閣憑虛鎖翠煙迴巒曲澗互盤旋凭闌覺近魁三像
捲幔恍連尺五天藤蘿幾樹渾如畫風月一川不用錢
未須更問天台路坐對南薰奏五絃

宿白水寺

胡直

春深傳道鹿開山獨往飄然歷九閔齋閣只同雲坐卧
泰和縣志
卷四十 藝文 詩 二十八
祇林惟趨鳥飛還豈無散聖遊方外信有諸天異世間
欲夢周公吾老矣楚狂遺跡似堪攀

得侯介潭消息

胡直

消息西來未忍聞若為多難復離羣投荒自分先朝露
歎逝那知對隴雲隔歲行塵猶避馬早春芳草已孤墳
生還倘過山陽道長笛何堪聽夜分

秋日田間

胡直

今日春田大丰非秋田猶喜荳苗肥歡同禽鳥呼朋出
行趨魚樵共路歸木落似延山入座霜寒曾製薜為衣

農家濁酒堪忘世不為長生始息機

□陽明祠

王鳴臣

先生正氣碧雲霄一疏終堪悟聖堯獨揭良知開絕學
更懷忠信格三苗護庭雙柏青長在勒筆雄文跡未凋
八極神遊知不爽屋梁月落聽風蕭

龍洲草堂

楊載鳴

愛汝龍洲水竹居年來逸興復何如閒聽啼鳥尋幽事
卧看浮雲枕□書親闡饌入青青筍客館筵將白白魚
直擬輞川傳□藻莫貪泉石著潛夫

泰和縣志

卷四十

藝文 詩

二十九

贈 龍澄源

王釋登

西曹執法動星芒南□揚躬指帝鄉攝郡已推三月治
入朝還晉萬年觴時清正合求龍伯材大從知出豫章
題柱未乾名姓在使君今是漢田郎

贈龍使君任姑孰

王釋登

擁麾西去入當途問俗依稀楚與吳剖竹不留方是鏢
走盤無礙便成珠謝公宅裏山如畫李白磯前月可呼
只隔一條衣帶水郡樓高枕望姑蘇

贈龍澄源

董其昌

四首廬凌接渺茫佳城靈氣鬱蒼蒼可知千里鄉閩外
不盡終風今古傷客眼湖山歸未許江流涕泪自堪將
帝聞為解亭雲意指日乘驄走故疆

石蓮洞

蕭端岳

十年奔走探竒路晚倚煙霞慰石蓮學道竟忘巖穴險
說詩長聽玉堂元松風桂月人曾寐林靜山空鬼不顛
□有懸嵯能貯日薜蘿深處况通天

石人嶺

劉德徽

潔己移家被寇塵投間甘與石人鄰三間矮屋青山下
泰和縣志
卷四十
藝文
詩
三十
八尺長竿綠水濱天子有書徵不起世人無藝近難親
兒孫耕讀為上計散誕安為瘠土民

連飲快閣遲郡公

羅大紘

十日平原興轉賒招攀高閣切雲霞江涵落日搖金色
雪霽春山愛玉華投轄開尊還地主登壇作賦總天葩
竭來五馬行春至為報河陽滿縣花

快閣次山谷韻時聞楚警

蕭士瑋

白頭望遠易傷神世態瀾翻乍雨晴徙倚寒山人□□
淒涼山水月空明二東杼軸誰能息一□豺狼尚□□

搔首青天那可問
燿霞差喜不孤盟

重登快閣

施潤章

江天十日半陰晴
將去還來繞檻行
極浦帆檣移遠樹
四山烟雨罨孤城
風塵驅使春垂暮
愁疾登臨眼暫明
欲向黃公祠下拜
荒堦蔓草不勝情

泰和縣志

卷四十

藝文 詩

三十一

同愚山使君登快閣

高詠

聞說涪翁作吏時
風流高閣坐題詩
蒼苔此日來孤客
碧草何年沒舊祠
雨過江邨春樹出
煙含沙渚暮帆遲
憑欄一望銷愁處
四面青山對酒卮

登新閣

顓孫佐聖

好鳥忘機語不驚
湖光塌散遶堤行
談經會發天花蒂
作問剛來樹葉聲
宦久何時誇了事
心空此度說無生
驅車晚逐斜陽去
那得江城卽化城

山槎晚泊

羅利濟

晚發江船破落花蒲帆十幅挂風斜天空繡錯千峰翠
秋老紅肥萬樹霞夢繞秦鞭封斷石神迷寒渚望仙槎
漁燈射影窻櫺透兩岼芙蓉映碧紗

樂元長之裘其長子評山廬墓側三年年友羅曰

明暄之以詩和韻

李友杜

跼蹐翻嫌土室寬側身何處省溫寒晨昏忍遽離親膝
左右居然奉父歡一枕江聲來別壑五更殘月照層巒
愁心無數天難問手得新詩帶泪看

曾孝子聖玉廬母墓就訪有贈

劉自越

泰和縣志

卷四十

藝文 詩

三十二

尋父當年志已違

父遠遊孝子徧尋遇于橫浦泣請弗歸後莫知所之

萱花零落

竟何依愁橫武姥雲常結泪濕華峰雨載飛引罪居然
囚土室薦罄儼若奉慈幃長年孺暮情何極黑鬢星星
帶雪歸

五言絕句

通天巖

劉敏求

雪岩深幾何應有神龍寓片雲終出山蒼生足甘雨

四祖巖

劉敏求

得師此中來腰囊還復去空有舊隱岩僻在雲深處

山寶峰

劉敏求

七寶結成峰非真亦非假借問是誰功造化為良冶

東巖

劉敏求

岩人何處在遺跡杳莫尋多應隱君子去作商家霖

西巖

劉敏求

峩業風門口□□虎穴西向來梵雲寺秋草鷓鴣啼

席帽峰

劉敏求

席帽何人製□然□更新舉頭霄漢近不解困風塵

虎鼻峰

劉敏求

泰和縣志

卷四十

藝文詩

三十三

平巘矗崇墉中天紫翠重曾因望江水上到最高峰

武婆岡

劉敏求

一自飛仙去超遙白雲上歲歲春風來潮山青草長

羅居洞

劉敏求

懸羊擊鼙鼓茲智亦穿窬憤惋羅居者能逃鈇鉞誅

石鼓石

劉崧

片石上嵯峩春風覆薜廬何人踏龍尾白日撼靈鼉

禮斗石

劉崧

道士禮斗處獨緣巖際雲空中歌碧落下遣世人聞

望陽石

劉崧

巨石含光景東蹲直海門仙人日來下晞髮侯晨暎

南巖石

劉崧

濩落歆空白嵌岩偃半匏不愁山兩濕自有白雲交

真珠泉

劉崧

亂撒高岩下多因險勢竒更逢朝日映五色爛摩尼

丹井

劉崧

絕頂仙人井碧泉春雨香神龜人不見每夜有丹光

陶皮石室

自注即今北巖古陶皮二仙修煉之所天將雨則巖竇有泉出焉禱者嘗以為

泰和縣志

卷四十

藝文詩

三十四

候舊名觀音巖今正之

劉崧

北巖極豁訝三面還絕壁聞有山雨來石泉先暗滴

次郊行韻

陳謨

煮茗樂濃春看山日日新遙知獨醒者却是太平人

懷泮池諸友

陳謨

幽懷落泮池古柏守朱戶美人秀踈髯望望隔煙霧

武姆岡

蕭執

高霄分處遠白下望中尊仙姥何年化清秋聞嘯猿

陶皮石室

蕭執

□雨向焦土神遊隔翠輦至今崕石底空洞自然春

虎鼻峰

蕭 執

蒼天生玉筍絕地起屏山窈窕紅雲裏官曹肅筵班

真珠泉

蕭 執

識得蒼龍噴翻疑合浦還地靈不愛寶特獻普陀山

丹井

蕭 執

九轉丹成永雙龍井出雲向來龜出曝還載洛書文

仙巖雲□

蕭 執

峩峩千丈巖雲氣有無間神仙何必問自有濟人丹

泰和縣志

卷四十

藝文 詩

三十五

鵞峰晴嵐

蕭 執

鵞鼻亦何高屹立江之南幾時躋絕頂拂袖捲晴風

題梅

尹昌隆

孤根稟純陽一朵一太極紛紛詠梅人此趣誰能識

過谷亭

楊士竒

明月轉檣竿露下孤蓬濕欲繫谷亭丹沙頭風正急

夾溝遇邑人

楊士竒

聞道故鄉來辭家今遠近恐有南京書停舟試相問

黃土潭

尹 直

夙發金魚塢行次石牛潭泝水舟難挽還家路舊諳

六言絕句

蛙居閑述

梁潛

藥固斜通石逕柳塘淺築沙堤漁唱有時門外鶯聲只在林西

墨綠田瓜箇箇殷紅椒實垂垂蟬蛻草頭枯折鳥啄桑枝倒窺

七言絕句

武山詩

張汝賢

泰和縣志

卷四十

藝文詩

三十六

兩過僧房景更竒邀朋閒訪此遊嬉一登占得峩峩處始覺群峰迤□低

上蕭家峽

黃庭堅

玉笥峰前幾百家山明松雪水明沙趨虛人集春蔬好桑菌竹萌烟蕨芽

晚年本趨虛人在烟中語荷蓀歸來有蕨芽

蕭子雲宅

黃庭堅

郁木坑頭春鳥呼雲迷帝子在時居風流掃地無尋處只有寒藤學草書

到官歸志浩然二絕句

黃庭堅

雨洗風吹桃李淨
訟聲聒盡鳥驚春
滿船明月從此云
本是江湖寂寞人

鳥鳥未覺常先曉
笋蕨登盤始見春
斂手還他能者作
從來刀筆不如人

聞吉老縣丞按田在萬安山中 黃庭堅

苦雨初聞喚婦鳩
紅粧滿院木蕖秋
樽前不記崔斯立
應在諸山最上頭

次韻喜陳吉老還家二絕 黃庭堅

公庭無事吏人休
垂箔寒廳對奕秋
催織青籠篔白酒

泰和縣志 卷四十 藝文 詩 三十七

竹爐煨栗煮雞頭

夜寒客枕多歸夢
歸得黃柑紫蔗秋
小雨對談揮麈尾
青燈分坐寫蠅頭

三月己巳來賦鹽萬歲鄉
且菟獮匿賦之家晏飯
此舍遂留宿是日大風自採菊
□薦湯餅二首

黃庭堅 □

飛廉挾雲開白日
頓撼天地萬竅號
掇菘桃李 □ □ 盡
乞典游絲百尺高

幽叢秀色可攬擷
煑餅菊苗深注湯
飲冰食蘘浪自 □

摩莎滿懷春草香

招吉老子範觀梅花

黃庭堅

播糠眯眼丞良苦
鳴鼓連村尉始歸
及取江樓來一醉
明朝花作玉塵飛

侯尉家聽琵琶

黃庭堅

舫齋蒼竹雨聲中
一曲琵琶酒一鍾
恰似潯陽江上聽
只無明月與丹楓

快閣閱太史真蹟

楊萬里

太史留題快閣詩
舊碑未必是真題
六丁搜出嚴家墨

泰和縣志

卷四十

藝文

詩

三十八

白日青天橫紫蜺

和李才□先輩快閣五首

楊萬里

山寒江冷丹楓落
爭渡行人簇晚沙
菰葉蘋花飛白鳥
一張紅錦夕陽斜

赤欄終日倚西風
山色掇藍小雨中
將老鬢毛秋著木
相思親薦水連空

長江淡淡吞天去
甲子隨波日日流
萬事轉頭同墮甌
一身隨世作虛舟

雲橫章貢雨翻盆
寺下江深水到門
落日荷鋤人□□

西風滿地葉歸根

西南嘉氣浮馬祖東北祥風遶靜居山邑豐年人少訟
身來訪道得齋魚

醒心軒

元在慈恩寺天王院碾坊竹陰

楊萬里

盡日竹風談法要無人竹影又斜陽他時若有相應者
莫負開軒人姓黃

登快閣

羅 敦

一閣巍巍映此心水餘疊疊翠峰橫凭闌四顧無纖翳
只有漁歌向晚聲

泰和縣志

卷四十

藝文 詩

三十九

秀溪

羅 敦

秀溪充塞重堪嗟誰與通流且種花東里先生連古意
欲分餘潤散儒家

王山三壇

劉敏求

霞衣玉珮去飄飄控鶴仙人不可招誰信嶺口頑石畔
分明一路透丹霄

煉丹人去事旋空丹井猶存第二峰但恠井中失雙鯉
不知雙鯉化為龍

壇邊馬鬣一墳孤空墓衣冠是也無英氣不隨世埋沒

長為霖雨澤焦枯

石鼓坑

劉崧

松林日暮雨淒淒十里陂田五里泥一月離家歸未得
桐花落盡子規啼

牛吼灘

劉崧

風蕩蘭舟觸石磯白波如雪捲羅衣香魂只在春江上
化作鴛鴦獨自飛

題超上□墨菊

劉崧

露香秋色淺深中青蕊黃花自一叢最憶南園微雨過

泰和縣志

卷四十

藝文詩

四十

短籬扶杖看西風

快閣修□古木圖二首

陳謨

老去張騫兩鬢華乘風曾記到天家回看粉壁千年樹
還是銀潢八月槎

風流貳令寫瑤琅判簿題詩白雪香太守公餘時倚檻
滿天風雨起瀟湘

南康仙臺觀呂巖嘗遊焉觀中人不識也死塋其

山後一道人來尋師啟棺惟二白石化為雙鶴

飛去今所畫巖像特異所見手持錢一文

陳謨

賞遍羅浮度庾関仙臺重訪羽人間已收白鶴歸天上
猶把金錢翫世間

迎祥觀

梁混

石逕雲深長綠苔仙家樓臺絕纖埃空庭盡日無人到
山鳥窺簷侍下來

題灌溪歸隱圖二首伯父發堂公今年秋八月以
公務至京師辱枉顧寓所徵言識別昌隆乃求
工畫者為寫灌溪歸隱圖遂貸二絕以慰公南

泰和縣志

卷四十

藝文詩

四十一

歸之思且以為異日歸侍之徵云

尹昌隆

鶴髮蒙恩覲九天承天門外聽傳宣還鄉儘有田園樂
滿目兒孫個個賢

松下樓臺溪上山故鄉渾似畫中看何時得遂歸田願
杖屨追隨日往還

金陵送別詩

為子濟弟書

尹昌隆

京國匆匆始合懽鄉関遠隔萬重山連非未遂天倫樂
又掉扁舟弄月還

天井潭觀魚二首

劉 啟

六六魚舟四面攢
攔江合網密而寬
人心嗜欲何能足
猶恨長江水不乾

天井之潭莫測深
漁翁鈎豎會如林
大繒六六橫江滸
堪笑斯徒不信任

甲戌十月遊武山飲南溪蕭宅口占

劉 啟

名山勝覽昔年曾
今雨如何阻客登
但願明朝天雨霽
罡風吹上最高層

泰和縣志

卷四十

藝文 詩

四十二

東軒獨坐

劉 啟

桃花寂寞李花開
山中薄酒三五杯
邨西有客可人意
風雨今朝期不來

官橋晚騎

陳文中

白馬郎君氣似雲
驅馳長道日斜曛
澗虹溪服還相稱
知爾原親白鳥群

斛山有感復欲絕粒次韻荅之

劉 魁

憂患何堪風雨頻
加餐幸愛百年身
閉關絕粒非無術
□□厄臺來笑人

幼時題竹

劉鴻

搖搖曳曳舞青鸞
戛玉敲金耐歲寒
拜意主人休翦伐
他年應借鈎鰲竿

柬同里曾氏諸親二首

羅欽順

晴明天色中和酒
九世依然共一堂
知是源深流亦遠
祇應相好莫相忘
忿來不管珠彈鵲
惑解真成鐵化金
物我平觀無一事
眼前何限好光陰

自題半影二首

羅欽順

泰和縣志

卷四十

藝文詩

四十三

安卧烟霞歲屢移
清羸渾似布衣時
等閒開卷非無益
只悔平生學道遲
早以儒冠對紫宸
三朝遭際忝臣鄰
恩深未報身先老
為語兒曹合致身

二月一日曉渡泰和江

胡直

綠陽接葉杏交花
嫩水新生尚露沙
過了春江偶回首
隔江一岼好人家

西昌沈氏有山谷書
杜陵山水圖障歌
作江山堂堂廢其後
人以黃書求題跋
感賦一絕

胡直

杜老已亡黃九去長歌大字落江山百年風物今何似
春水晚烟飛白鷗

晚登快閣

施潤章

閣上人如峰頂行登臨不盡古今情誰憐難了公家事
把酒重添白髮生

過快閣

趙進美

五年幾度此中行□閣依然對晚晴鄭重郡□□
扁舟如葉暮江清

泰和縣志

卷四十

藝文

詩

四十四

泰和縣志卷四十

終